
KERTAS PEPERIKSAAN INI MENGANDUNGI SEMBILAN [9] SOALAN DI
DALAM TIGA [3] HALAMAN.

Jawab LAPAN [8] soalan.

Bahagian A dan Bahagian B wajib dijawab.

Bahagian C, pilih DUA [2] soalan.

Bahagian A (wajib)

Soalan SATU [1] hingga LIMA [5] berdasarkan ayat berikut:

Ibu sedang menggoreng seketul ayam untuk adik di dapur.

1. Tunjukkan bahawa *menggoreng seketul ayam untuk adik di dapur* sebagai satu konstituen "X" menggunakan ujian ko-ordinasi. Gunakan ujian bentuk-PRO dan ujian sebahagian ayat untuk menunjukkan bahawa *ibu* juga ialah satu konstituen "X".

[10 markah]

2. Gunakan ujian paradigma dan ujian distribusi/penyebaran untuk mengenalpasti golongan kata kepala dalam konstituen "X" *menggoreng seketul ayam untuk adik di dapur*. Apakah huruf yang digunakan untuk nodus yang menaungi secara langsung kepala ini dalam kerangka X- berpaling selepas pengenalpastian ini?

[10 markah]

.../2

3. Jelaskan bahawa *seketul ayam* ialah satu komplemen dalam kerangka X-berpalang menggunakan ujian dasar kesebelahan ketat dan ujian tindanan. Jika huruf Y dan T digunakan, apakah dua lambang yang perlu diberikan kepada nodus yang menaungi frasa ini dalam kerangka X-berpalang? Jelaskan mengapa dua lambang ini perlu wujud.

[10 markah]

4. Jelaskan bahawa **untuk adik** ialah satu adjung menggunakan ujian pembelakangan dan **di dapur** ialah satu adjung menggunakan ujian pendepanan. Jika huruf W, K dan R digunakan, apakah lambang yang perlu diberikan kepada nodus yang menaungi kedua-dua adjung ini dalam kerangka X-berpalang? Kenalpasti adjung yang manakah yang akan wujud berdekatan dengan komplemen.

[10 markah]

5. Lukis rajah X-berpalang untuk ayat ini **Ibu sedang menggoreng seketul ayam untuk adik di dapur**. Pastikan lambang untuk setiap nodus selaras dengan golongan kata kepala setiap frasa. Tunjukkan Rumus Struktur Frasa untuk ayat ini.

[10 markah]

Bahagian B (wajib)

6. Pilih **DUA** [2] ayat dari (a-e). Huraikan dengan lengkap proses penerbitan ayat. Berikan tumpuan kepada perbezaan dan persamaan struktur dalam dan struktur luar ayat-ayat tersebut, jika ada.

- (a) Hakim dibuai perlahan-lahan oleh Atiqah
- (b) Ibu berkata bahawa Hanis mengambil lampin dari ampaian.
- (c) Bolehkah Fatin mendukung Shafiq?
- (d) Udit dan Aop tinggal di rumah nenek mereka di Sungai Mati.
- (e) Amir menyorokkan buku yang semalam tersimpan dalam beg Pak Longnya.

[30 markah]

.../3

Bahagian C (pilihan)

Pilih dan jawab **DUA** [2] soalan.

7. Gunakan ayat (a) dan (b) di bawah untuk membincangkan pendekatan preskriptif dan pendekatan deskriptif.

(a) Adik makan di warung di mana Mak Timah bekerja.

(b) Adik makan di warung yang Mak Timah bekerja.

[10 markah]

8. Jelaskan dan berikan bukti untuk fungsi gramatis dalam (a) dan (b) untuk ayat ***Ibu ke kedai dan membelikan adik kuih tadi.***

(a) ***adik*** dan ***kuih*** dari perspektif Za'ba dan Tatabahasa Dewan.

(b) ***ke kedai.***

[10 markah]

9. Berikan definisi lengkap untuk frasa. Berikan ujian-ujian yang jelas untuk pendefinisian ini menggunakan contoh-contoh dari bahasa Melayu.

[10 markah]

- oooOOOooo -